



Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06), člana 5. Zakona o komunalnim djelatnostima („Službene novine Zeničko-dobojskog kantona“, broj: 17/08), člana 67. stav 2. Odluke o komunalnom redu („Službeni glasnik Općine Breza“, broj: 3/10) i člana 19. tačka 2. Statuta Općine Breza („Službeni glasnik Općine Breza“, broj: 8/09-Prečišćeni tekst), Općinsko vijeće Breza na sjednici održanoj dana 30.05.2013. godine, donosi

## **ODLUKU** o utvrđivanju područja na kojima se obavezno vrši prikupljanje i odvoz komunalnog otpada

### **I. OPĆE ODREDBE**

#### **Član 1.**

Ovom Odlukom utvrđuju se područja na kojima se obavezno prikuplja i odvozi komunalni otpad, postupak prikupljanja i odvoza komunalnog otpada, provođenje nadzora i kaznene odredbe.

Komunalnim otpadom u smislu ove Odluke smatra se otpad iz kućanstava i otpad koji je po svojstvima i sastavu sličan otpadu iz kućanstva, a nastaje u privredi, ustanovama i uslužnim djelatnostima. Komunalnim otpadom u smislu ove Odluke smatra se i otpad koji nastaje čišćenjem javnih površina, te glomazni otpad koji nastaje u kućanstvu.

#### **Član 2.**

**Korištenje komunalne usluge prikupljanja i odvoza komunalnog otpada iz stambenih i poslovnih objekata i poslovnih prostora na deponiju obavezno je za cijelo područje Općine Breza.**

#### **Član 3.**

Komunalnu djelatnost prikupljanja i odvoza komunalnog otpada na području Općine Breza obavlja Javno preduzeće „KOMUNALNO“ d.o.o. sa sjedištem u Brezi, ul. Hasana Kafije (u daljnjem tekstu: Komunalno preduzeće).

#### **Član 4.**

Komunalno preduzeće obavezno je komunalnu djelatnost iz člana 3. ove Odluke obavljati u skladu sa odredbama ove Odluke, Odluke o komunalnom redu, Zakona o komunalnoj djelatnosti i drugim propisima koji uređuju predmetnu djelatnost.

Komunalno preduzeće dužno je komunalnu uslugu pružati trajno i kvalitetno, te mora osigurati korištenje komunalne usluge svim pravnim i fizičkim licima koja proizvode komunalni otpad na području Općine Breza.

## II. POSTUPAK PRIKUPLJANJA I ODVOZA KOMUNALNOG OTPADA

### Član 5.

Na području Općine Breza Komunalno preduzeće dužno je donijeti opće uslove pružanja komunalne usluge prikupljanja i odvoza komunalnog otpada, te organizirati redovni odvoz komunalnog otpada u dane i vrijeme određene utvrđenim rasporedom odvoza komunalnog otpada.

### Član 6.

Korisnicima usluge prikupljanja i odvoza komunalnog otpada u smislu ove Odluke smatraju se:

- sva fizička i pravna lica, vlasnici nekretnina ili korisnici nekretnina koji prihvate obavezu plaćanja komunalne usluge umjesto vlasnika, što se reguliše ugovorom komunalnog preduzeća i korisnika nekretnine.

Korisnici usluge iz stava 1. ovog člana obavezni su povjeriti komunalni otpad na prikupljanje i odvoz Komunalnom preduzeću.

### Član 7.

Korisnik usluge prikupljanja i odvoza komunalnog otpada dužan je platiti utvrđenu cijenu za pruženu komunalnu uslugu, u ugovorenom – propisanom roku.

Korisnik je dužan izvršiti prijavu i odjavu svih promjena (promjena adrese, broja članova domaćinstva, površina objekta i slično), u roku iz člana 12. stav 1. Zakona.

### Član 8.

Komunalni otpad na području koje je u obuhvatu Urbanističkog plana grada Breza sa pripadajućim naseljima prikuplja se i odvozi u skladu sa poglavljem IV Odluke o komunalnom redu („Službeni glasnik Općine Breza“, broj: 3/10).

Na područjima koja su van obuhvata Urbanističkog plana komunalni otpad se prikuplja i odvozi u skladu sa općim uslovima iz člana 5. ove Odluke.

### Član 9.

Nadzor nad provođenjem odredbi ove Odluke obavlja komunalni inspektor.

## III. KAZNENE ODREDBE

### Član 10.

Novčanom kaznom u iznosu do 500,00 do 7000,00 KM kaznit će se za prekršaj Komunalno preduzeće ukoliko:

- ne obavlja komunalnu djelatnost u skladu sa odredbama ove Odluke (član 4. st. 1.),
- ne donese opće uslove pužanja komunalne usluge prikupljanja i odvoza komunalnog otpada i ne utvrdi raspored odvoza komunalnog otpada (član 5.)

Za prekršaje iz stava 1. ovog člana kaznit će se odgovorno lice u pravnom licu novčanom kaznom u iznosu od 50,00 do 2000,00 KM.

### Član 11.

Novčanom kaznom u iznosu od 20,00 do 200,00 KM kazniti će se građanin, fizičko lice.

Novčanom kaznom u iznosu od 200,00 do 1000,00 KM kaznit će se pravno lice, fizičko

lice u pravnom licu (obrtnik) i lica koja obavlja samostalnu djelatnost ukoliko:

- ne povjeri komunalni otpad na prikupljanje i odvoz komunalnom preduzeću (član 6. stav 2.),
- ne poštuje obaveze propisane u članu 7. stav 2. ove Odluke,
- ne odlaže komunalni otpad u skladu odredbama člana 8. ove Odluke.

#### IV. PRIJELAZNE I ZAVRŠNE ODREDBE

##### Član 12.

Komunalno preduzeće dužno je u roku od 60 dana od dana stupanja na snagu ove Odluke, donijeti opće uslove pružanja komunalne usluge prikupljanja i odvoza komunalnog otpada i utvrditi raspored odvoza komunalnog otpada.

##### Član 13.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-626/13  
Breza, 30.05.2013.godine

PREDSJEDAVAJUĆI  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 13. st. 2. Zakona o principima lokalne samouprave u Federaciji BiH („Službene novine FBiH“ broj:49/06) i člana 19. tačka 29., u vezi sa članom 71., Statuta Općine Breza (Prečišćeni tekst - „Službeni glasnik Općine Breza“ broj:8/09), Općinsko vijeće Breza, na sjednici održanoj dana 30.05.2013. godine, donosi

#### ODLUKU

#### **o raspisivanju i održavanju izbora za članove savjeta mjesnih zajednica na području općine Breza**

#### I OPĆE ODREDBE

##### Član 1.

Ovom Odlukom raspisuju se izbori za članove savjeta mjesnih zajednica na području Općine Breza, utvrđuje način provođenja izbora, mjesto i vrijeme održavanja izbora, organi za provođenje izbora..

#### II NAČIN PROVOĐENJA IZBORA

##### Član 2.

U mjesnim zajednicama birači će birati članove savjeta neposredno tajnim glasanjem u mjestu u kojem imaju prebivalište.

## III ODRŽAVANJE IZBORA

**Član 3.**

Izbori za članove savjeta mjesnih zajednica održat će se dana 30.06.2013. godine, (nedjelja) u vremenu od 09,00 h do 18,00 h u svim mjesnim zajednicama.

Mjesto i vrijeme održavanja izbora objavljuje se putem lokalnog radija, na oglasnoj tabli i web stranici Općine i na oglasnim tablama u mjesnim zajednicama.

Mjesto i vrijeme održavanja izbora mora se objaviti najkasnije u roku od 15 dana prije dana održavanja izbora.

Kao mjesto održavanja izbora mogu se odrediti prostorije mjesne zajednice, škole ili druge pogodne prostorije.

## IV ORGANI MJESNE ZAJEDNICE I POSTUPAK IZBORA

**Član 4.**

Općinski načelnik će imenovati Komisiju za provođenje izbora, koja će u saradnji sa savjetima mjesnih zajednica imenovati biračke odbore za provođenje izbora za članove savjeta u mjesnim zajednicama.

Nadzor nad radom biračkih odbora vršit će Služba za privredu, finansije i opću upravu.

Pripremu izbora za članove savjeta mjesnih zajednica (prostorije za održavanje izbora, tehnička i druga podrška) izvršit će Služba za privredu, finansije i opću upravu u saradnji sa predsjednicima mjesnih zajednica Općine Breza.

**Član 5.**

Organi mjesne zajednice su Savjet mjesne zajednice i Predsjednik mjesne zajednice.

**Član 6.**

Organi za provođenje izbora su Komisija za provođenje izbora u mjesnim zajednicama koju imenuje Općinski načelnik i birački odbori koje imenuje navedena Komisija u saradnji sa predsjednicima mjesnih zajednica.

Komisija za provođenje izbora u mjesnim zajednicama ima tri člana.

Birački odbori imaju tri člana i tri zamjenika.

Članovi Komisije i biračkog odbora ne mogu biti kandidati za članove savjeta mjesnih zajednica.

**Član 7.**

Prilikom predlaganja i izbora članova Savjeta MZ i članova podružnica naseljenih mjesta mora se voditi računa da sastav članova izražava približno nacionalnu strukturu stanovništava, da kandidati budu prijavljeni na području mjesne zajednice, da oba spola budu ravnopravno zastupljeni kao i mladi, i naseljena mjesta mjesne zajednice.

**Član 8.**

Predizborne aktivnosti i organizaciju održavanja Zborova građana i sve druge potrebne radnje za izbor članova Savjeta mjesnih zajednica i podružnica organizuje Savjet mjesne zajednice.

**Član 9.**

Prijedlog kandidata za Savjet mjesne zajednice i članove podružnice mogu podnijeti:

- Savjet M.Z.,
- građani (pojedinačno ili grupno),
- organi političkih stranaka,

- druge organizacije ili udruženja koja djeluju na području M.Z.

#### **Član 10.**

Najmanje (7) sedam dana prije, putem javnih poziva ili medija stanovništvo mjesne zajednice bit će obaviješteno o terminu kandidacionih zborova.

#### **Član 11.**

Prijedlog kandidata za članove mjesnih zajednica se donosi na Zboru građana. Nakon završenog predlaganja kandidata, utvrđuje se kandidatska lista (glasački listić). Glasanje za kandidatsku listu (glasački listić) vrši se javno (dizanjem ruku) za svakog kandidata pojedinačno.

Kandidatska lista (glasački listić) mora da ima 50% više kandidata za izbor članova organa mjesnih zajednica u odnosu na broj utvrđen Statutom M.Z.

Redosljed na kandidatskoj listi (u daljem tekstu- glasačkom listiću) utvrđuje se prema broju dobivenih glasova prilikom pojedinačnog glasanja.

#### **Član 12.**

Izuzetno u mjesnim zajednicama koje imaju više naseljenih mjesta, glasački listić mora sadržavati posebno listu kandidata za Savjet mjesne zajednice sa cijele mjesne zajednice i listu kandidata za članove podružnice-naseljenog mjesta.

#### **Član 13.**

Izgled glasačkog listića treba biti istaknut na javnim mjestima mjesne zajednice najmanje 7 dana prije zvaničnog datuma izbora.

Na glasačkom listiću obavezno naznačiti broj članova Savjeta i podružnice koji se bira.

#### **Član 14.**

Izbor članova Savjeta mjesne zajednice i članova podružnice vrši se neposredno tajnim glasanjem putem glasačkih listića.

Izbori se po pravilu održavaju istovremeno u svim mjesnim zajednicama.

Izbore će provesti birački odbori iz člana 6. ove Odluke.

Datum, vrijeme i mjesto održavanja izbora mora se objaviti najmanje 15 dana prije održavanja izbora putem lokalnog radija, na oglasnoj tabli i Web stranici općine i oglasnim tablama mjesnih zajednica.

#### **Član 15.**

Način glasanja Komisija za izbore će provesti po pravilima Izbornog zakona BiH.

#### **Član 16.**

Za članove organa mjesne zajednice i podružnice izabrana su ona lica koja su dobila najveći broj glasova.

Kandidat sa liste za izbor članova Savjeta mjesne zajednice sa najvećim brojem osvojenih glasova je Predsjednik mjesne zajednice i po funkciji je Predsjednik Savjeta mjesne zajednice.

Ukoliko dva ili više kandidata dobije isti broj glasova za člana organa mjesne zajednice, izabran je onaj kandidat koji je mlađi odnosno pripadnik ženskog spola.

Izuzetno, ukoliko u organe mjesne zajednice i podružnice nije izabran najmanje jedan član iz svakog konstitutivnog naroda koji čini na području mjesne zajednice najmanje 10% birača, u organe će biti izabran predloženi član iz tog naroda koji je dobio najveći broj glasova bez obzira na ostale kandidate sa liste.

Procenat birača iz prethodnog stava utvrđuje se na osnovu službenih podataka.

**Član 17.**

Trajanje mandata, njihov prestanak i popuna upražnjenog mjesta člana organa mjesne zajednice i podružnice riješen je Statutom mjesne zajednice.

**Član 18.**

Komisija za provođenje izbora dužna je izvještaj o rezultatima provedenih izbora dostaviti Općinskom vijeću u roku od (7) sedam dana od dana održavanja izbora.

**Član 19.**

Općinsko vijeće potvrđuje rezultate izbora za članove Savjeta mjesne zajednice i podružnice.

**II PRELAZNE I ZAVRŠNE ODREDBE****Član 20.**

Ova Odluka stupa na snagu osmog dana od donošenja i objavit će se u "Službenom glasniku Općine Breza".

Broj: 01/1-02-1432/13  
Breza, 30.05.2013.godine

**PREDSJEDAVAJUĆI**  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-1571/13  
Breza, 30.05.2013.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Odluke o usklađivanju Odluke o osnivanju mjesnih zajednica Općine Breza sa Zakonom o principima lokalne samouprave u FBiH i Statutom Općine Breza, Općinsko vijeće Breza na sjednici održanoj dana 30.05.2013.godine, donosi

**ZAKLJUČAK****I**

**UTVRĐUJE SE** Nacrt Odluke o usklađivanju Odluke o osnivanju mjesnih zajednica Općine Breza sa Zakonom o principima lokalne samouprave u FBiH i Statutom Općine Breza.

Po utvrđenom nacrtu Sprovesti javnu raspravu u okviru vijećnika Općinskog vijeća, predsjednika mjesnih zajednica na području Općine Breza, predsjednika klubova parlamentarnih stranaka i ostalih zainteresovanih subjekata.

**II**

Javnu raspravu sprovesti u periodu od 30.05.2013. do 30.06.2013.godine

**III**

Za realizaciju Zaključka zadužuje se Služba za privredu, finansije i opću upravu.

Dostavljeno:

1x Služba za privredu,fin.i opću upravu,  
1x 01/1,  
1x a/a.

**PREDSJEDAVAJUĆI:**

Općinskog vijeća  
Vrljičak Miro, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-05-1441/13  
Breza, 30.05.2013.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja Izvještaja o radu Skupštine Javnog preduzeća „Komunalno“ d.o.o. Breza za 2012.godinu, Općinsko vijeće Breza na sjednici održanoj dana 30.05.2013. godine, donosi

**ZAKLJUČAK****I**

USVAJA SE Izvještaj o radu Skupštine Javnog preduzeća „Komunalno“ d.o.o. Breza za 2012.godinu.

**II**

Ovaj Zaključak objaviti u „Službenom glasniku Općine Breza“.

**DOSTAVLJENO:**

1x Skupština JP „Komunalno“ d.o.o. Breza,  
1x Direktor JP „Komunalno“ d.o.o. Breza,  
1x 01/1,  
1x Arhiva.

**PREDSJEDAVAJUĆI**

Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-1494/13  
Breza, 30.05.2013.godine

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), prilikom razmatranja ugovora o preuzimanju duga između Organizacije „RVI Breza 92“ i „RIV“ d.o.o. Breza, Općinsko vijeće Breza na sjednici održanoj dana 30.05.2013. godine, donosi

## ZAKLJUČAK

### I

**DA SE DUG** po Rješenju Općinskog vijeća broj: 01/1-02-596/11 od 31.03.2011. godine u iznosu od **29.352,40 KM (dvadesetdevet hiljadatristopedesetdvije konvertibilne marke i 40/100) izmiri u roku od 30 dana od dana objavljivanja Zaključka u Službenom glasniku Općine Breza.**

### II

Za realizaciju zaključka zadužuju se Organizacije „RVI Breza 92“ i „RIV“ d.o.o. Breza

### III

Zaključak objaviti u Službenom glasniku Općine Breza.

#### DOSTAVLJENO:

1x Služba za prostorno uređenje, zaštitu okoline,  
imovinsko-pravno i geodetske poslove  
1x Organizacija „RVI Breza 92“  
1x „RIV“ d.o.o. Breza  
1x 01/1,  
1x Arhiva.

#### PREDSJEDAVALAČI

Općinskog vijeća  
Miro Vrljićak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-877/13  
Breza, 30.05.2013.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 17. Statuta Općine Breza („Službeni glasnik Općine Breza“, broj 8/09 - prečišćeni tekst)



Općinsko vijeće Breza na sjednici održanoj 30.05.2013. godine,  
d o n o s i

## **R J E Š E N J E**

**o razrješenju predsjednika i članova Komisije za ljudska prava,  
prigovore, predstavke i prijedloge**

### **I**

Razrješavaju se dužnosti predsjednik i članovi Komisije za ljudska prava, prigovore, predstavke i prijedloge, zbog isteka mandata:

1. Trogrlić Branka, predsjednik,
2. Dinar Hamza, zamjenik predsjednika,
3. Ahmedspahić Elvedina, član,
4. Muratović Latifa, član,
5. Opačin Jakub, član.

### **II**

Rješenje objaviti u „Službenom glasniku Općine Breza“.

DOSTAVLJENO:  
5x Članovima komisije,  
1x 01/1,  
1x a/a.

PREDSJEDAVAJUĆI  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-877/13  
Breza, 30.05.2013.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 17. Statuta Općine Breza („Službeni glasnik Općine Breza“, broj 8/09-prečišćeni tekst) Općinsko vijeće Breza na sjednici održanoj 30.05.2013. godine,  
d o n o s i

## **R J E Š E N J E**

**o imenovanju predsjednika i članova Komisije za ljudska prava, prigovore,  
predstavke i prijedloge**

**I**

Za predsjednika i članove Komisije za ljudska prava, prigovore, predstavke i prijedloge, imenuju se:

1. Smailbegović Samin, predsjednik,
2. Čosić Vanesa, član
3. Muratović Šefko, član,
4. Silajdžić Zurijeta, član,
5. Tabučija Džemko, član.

**II**

Rješenje objaviti u „Službenom glasniku Općine Breza“.

DOSTAVLJENO:  
5x Članovima komisije,  
1x 01/1,  
1x a/a.

PREDSJEDAVAJUĆI  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-877/13  
Breza, 30.05.2013. godine

Na osnovu člana 13.stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06) i člana 19. tačka 17. Statuta Općine Breza („Službeni glasnik Općine Breza“, broj 8/09 – Prečišćeni tekst) Općinsko vijeće Breza na sjednici održanoj 30.05.2013. godine, d o n o s i

**R J E Š E N J E****o razrješenju predsjednika i članova Komisije za mlade i ravnopravnost spolova****I**

Razrješavaju se dužnosti predsjednika i članova Komisije za mlade i ravnopravnost spolova:

1. Mahmutović Alma, predsjednik,
2. Cigura Amina, član,
3. Herco Munira, član,
4. Silajdžić Alma, član,
5. Omerhodžić Sanjin, član.

**II**

Rješenje objaviti u „Službenom glasniku Općine Breza“.

DOSTAVLJENO:  
5x Članovi komisije,  
1x 01/1,  
1x a/a.

PREDSJEDAVAJUĆI  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-877/13  
Breza, 30.05.2013. godine

Na osnovu člana 13.stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06) i člana 19. tačka 17. Statuta Općine Breza („Službeni glasnik Općine Breza“, broj 8/09 – Prečišćeni tekst) Općinsko vijeće Breza na sjednici održanoj 30.05.2013. godine, d o n o s i

**R J E Š E N J E**

**o imenovanju Komisije za mlade i ravnopravnost spolova**

**I**

U Komisiju za mlade i ravnopravnost spolova, imenuju se:

1. Kadrić Mirela, predsjednik,
2. Karić Indira, član,
3. Bulbulušić Amela, član,
4. Omanović Amina, član,
5. Tuzlić Senija, član.

**II**

Rješenje objaviti u „Službenom glasniku Općine Breza“.

DOSTAVLJENO:  
1x Članovima komisije od 1-5,  
1x 01/1,  
1x a/a.

PREDSJEDAVAJUĆI  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-877/13  
Breza, 30.05.2013.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 17. Statuta Općine Breza („Službeni glasnik Općine Breza“, broj 8/09-prečišćeni tekst) Općinsko vijeće Breza na sjednici održanoj 30.05.2013. godine,  
d o n o s i

## **R J E Š E N J E**

### **o razrješenju predsjednika i članova Komisije za zaštitu životne sredine**

#### **I**

Razrješavaju se dužnosti predsjednik i članovi Komisije za zaštitu životne sredine, zbog isteka mandata:

1. Omerhodžić Nejra, predsjednik,
2. Šmailbegović Nermana, zamjenik predsjednika,
3. Čolan Admira, član,
4. Hodžić Berina, član,
5. Zahirović Nezir, član.

#### **II**

Rješenje objaviti u „Službenom glasniku Općine Breza“.

DOSTAVLJENO:  
5x Članovima komisije,  
1x 01/1,  
1x a/a.

PREDSJEDAVAJUĆI  
Općinskog vijeća  
Miro Vrljičak, s.r.

---

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj: 01/1-02-877/13  
Breza, 30.05.2013.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 17. Statuta Općine Breza („Službeni glasnik Općine Breza“, broj 8/09-prečišćeni tekst) Općinsko vijeće Breza na sjednici održanoj 30.05.2013. godine,  
d o n o s i

## **R J E Š E N J E**

**o imenovanju predsjednika i članova Komisije za zaštitu životne sredine**

### **I**

Za predsjednika i članove Komisije za zaštitu životne sredine, imenuju se:

1. Omerhodžić Nejra, predsjednik,
2. Hasanspahić Ibrahim, član
3. Kadić Edin, član,
4. Šabić Samra, član,
5. Rizvanović Amer, član.

### **II**

Rješenje objaviti u „Službenom glasniku Općine Breza“.

DOSTAVLJENO:  
5x Članovima komisije,  
1x 01/1,  
1x a/a.

PREDSJEDAVAJUĆI  
Općinskog vijeća  
Miro Vrljićak, s.r.

---

---

## S A D R Ź A J

- 197.Odluka o utvrđivanju područja na kojima se obavezno vrši prikupljanje i odvoz komunalnog otpada.
- 199.Odluka o raspisivanju i održavanju izbora za članove savjeta mjesnih zajednica na području Općine Breza.
- 202.Zaključak o utvrđivanju Nacrta Odluke o usklađivanju Odluke o osnivanju mjesnih zajednica Općine Breza sa Zakonom o principima lokalne samouprave u FBiH i Statutom Općine Breza.
- 203.Zaključak o usvajanju Izvještaja o radu Skupštine Javnog preduzeća „Komunalno“ d.o.o. Breza za 2012. godinu.
- 204.Zaključak izmirivanju duga po Rješenju Općinskog vijeća Breza broj.01/1-02-596/11 od 31.03.2011. godine.
- 205.Rješenje o razrješenju predsjednika i članova Komisije za ljudska prava, prigovore, predstavke i prijedloge.
- 205.Rješenje o imenovanju predsjednika i članova Komisije za ljudska prava, prigovore, predstavke i prijedloge.
- 206.Rješenje o razrješenju predsjednika i članova Komisije za mlade i ravnopravnost spolova.
- 207.Rješenje o imenovanju predsjednika i članova Komisije za mlade i ravnopravnost spolova.
208. Rješenje o razrješenju predsjednika i članova Komisije za zaštitu životne sredine.
209. Rješenje o imenovanju predsjednika i članova Komisije za zaštitu životne sredine.

